



## Indgået

12 JUNI 2018

NAMMINERSORLUTIK OQARTUSSAT  
GRØNLANDS SELVSTYRE  
INATSISARTUT ALLATTOQARFIAT  
BUREAU FOR INATSISARTUT  
Box 1060 - 3900 Nuuk

Uunga  
Inatsisartunut ilaasortaq  
Tillie Martinussen  
Suleqatigiissitsisut

### Kinguaassiuutitigut atornerluisarnerit pillugit § 37 naapertorlugu apeqquteqaammut nr. 2018-092-imut akissut

Asasara Tillie Martinussen

Kinguaassiuutitigut atornerluisarnerit pillugit apeqqutinnut qujanaq.

#### 1. Naalakkersuisut suliniutinik sunik aallartitsissamaarpát qinigaaffiup iluani meeqqat inuusuttullu kinguaassiuutitigut atornerlunnertarnerat pinaveersaartinniarlugu?

§ 37 naapertorlugu apeqqummut nr. 2018-078-imut akissutit 1 aamma 2 takukkit.

Kinguaassiuutitigut atornerluinerit akiorniarlugit suliniutissanut tunngatillugu oqaatigisinnaavara suliniutissat ataatsimut isigalugit ukkatarineqarniarimat kinguaassiuutitigut atornerluisarnermik akiuiniarluni suliaqarnermi oqartussat akornanni assigiinngitsunik suliallit suleqatigiinnerisa pitsanngorsaaffigineqarnissaat kiisalu najukkami pissutsit tunngavigalugit maanna suliniutaasut suliniutissallu nutaat ukkatarineqarnissaat.

#### 2. Qanoq ittunik pilersaaruteqartoqarpa imaluunniit piareersimasuuteqartoqarpa pinaveersaartitsinnermut atatillugu meeqqat inuusuttullu ukiuinut naleqquttumik kinguaassiuutitigut kanngutsaattuliorfigineqartarnermut ilinniartinnissaannut?

Apeqqutip taassuma ersersippaa kinguaassiuutitigut atornerluisarnerup akiorniarneqarnera naalakkersuisoqarfiit assigiinngitsut suliassaqaarfigaat. Meeqqat atuarianni atoqatigiinneq pillugu ilinniartitsisarnerup isumagineqarnissaa ineriartortinneqarnissaalu ilinniartitaanermut, Kultureqarnermut, Ilageeqqarnermullu Naalakkersuisup akisussaaffigaa. Pitsaaliuineq Peqqissutsimut Ilisimatusarnermullu Naalakkersuisumit akisussaaffigineqarpoq. Kinguaassiuutitigut atornerluisarnermik pitsaaliuilluni suliap ingerlateqqinneqarnissaanut naalakkersuisoqatigiinnissamik isumaqatigiissut tunngavissiisaaq.

Ilinniartitaanermut, Kultureqarnermut, Ilageeqqarnermut Naalakkersuisoqarfiup paasisutissanut ilannguppaat:

*“Tassunga ilanngullugu paasisutissiisuutigineqarsinnaavoq, kinguaassiuutitigut kannguttaatsuliortarneq pinaveersaartinniarlugu meeqqat atuarianni alloriarfinni tamani atuartitsissummi inuttut ineriartornermi ilikkagassatut anguniagassat ilaammat. Taamaalillutik atuariit atuartitsinnermi nalinginnaasumi sammisap qaqinnissaanut pissaaffilerneqareerput. Aammattaaq Ilinniartitaanermut Aqutsisoqarfiup Peqqinnissamullu Naalakkersuisoqarfiup atoqatigiinneq pillugu meeqqat atuariini*

07-06-2018  
Suliap nr. 2018 - 11786  
Akt. id. 7980606  
Postboks 260  
3900 Nuuk  
Oqarasuaat (+299) 34 50 00  
Naqitanik nassitsigasuuaat +299  
34 66 66  
E-mail: iniaan@nanoq.gl  
www.naalakkersuisut.gl

*atuartitsinermi atuartitsissutit pioreersut siammarternissaat pillugu suleqatigiinnissaq oqallisigissallugu isumaqatigiissutigereerpaat.”*

**3. Inunnut tamanut soqutiginarsinnaasunik allanik Naalakkersuisut paasissutissiinnaanerlutik, meeqqat inuusuttullu kinguaassiutitigut kanngutsaattuliorfigineqartarnerisa pinaveersaartinissaa pillugu imaluunniit immikkoortumi pineqartumi katsorsaasarnermut tunngasunik?**

Apeqqutip 1-ip aamma 2-p akissutaanut innersuussisoqarpoq.

**4. Suliniutit suut kommuninit aallartinneqarnikuppat, kinguaassiutitigut kanngutsaattuliornerit pillugit?**

Nunami kommunit namminersortuupput. Isumaginninnermulli Aqutsisoqarfiup kinguaassiutitigut atornerluisarnerup pitsaalioneqarneranut tunngatillugu kommunit qanimut attavigisarpai.

**5. Qanoq piginnaasallit, atorfiit suli amingaatigineqarpat imaluunniit pisortani allat qanoq ilinniarsimasut amingaatigaagut kinguaassiutitigut kanngutsaattuliorfineqarsimasut inersimasunngorlutik sassartut ikiornissaannut?**

**- Allatut oqaatigalugu; Inersimasut kingunerlutsitsisut amerlassusaat eqqarsaatigalugu tamakkiisumik ikiorneqassappatat suut amingaataappat?**

Inuit kinguaassiutitigut kanngutsaattuliorfigineqarsimanerminnik kingunerlutsitsisut katsorsarniarlugit ikiorniarlugillu unammilligassat imaannaanngitsuupput. Tassa apeqqummut siuliani pineqartumut erseqqissumik naatsumillu akissuteqarnissaq ajornakusoorpoq.

Inersimasut kinguaassiutitigut kanngutsaattuliorfigineqarsimanerminnik kingunerlutsitsisut katsorsarniarlugit angalasartut pilersinneqarsimapput pineqartut ikiorserniarlugit. Maannakkorpiaq suliniut taanna nalilersorneqarpoq. Nalilersuineq 2018-ip ingerlanerani naammassineqarlunilu tamanut saqqummiunneqassasoq naatsorsuutigineqarpoq.

**6. Suliniutit suut aallartinneqartarpat meeraq inuusuttorluunniit kinguaassiutitigut atornerlunneqarsimasooq politiinut nalunaarutigineqaraangat aamma pisortat tungaanniit qanoq malitseqartitsisoqartarpa meeraq taassumalu ilaqutai ikiorniarlugit?**

Nunami kommunit politiillu suliassaqarfimmut tunngatillugu inatsit atuuttoq malittussaavaat. Meeqqanut ikiorsisarneq pillugu inatsit malillugu kommunalbestyrelse nalunaarummik tigusaqarnermini pisussaavoq isumaginninnikkut misissuinissamut tapersersuigallarnissamullu, tassa nalunaarut kinguaassiutitigut atornerluisoqarsimaneranik pasitsaassinermik kinguneqarpat.

Kommunalbestyrelse pisussaavoq nalunaarut tigusimasani taassumalu imaa pillugit politiinut ingerlaannaq nalunaaruteqarnissamut.

Nunami kommunit assigiinngitsunik upalungaarsimanermi aaqqissuussaqarput, taakku kinguaassiutitigut atornerluisoqarsimanernik nalunaarummik tigusisoqaraangat aallartinneqartarput.



**7. Pilersaaruteqartoqarnerluni qaammarsaanissamut aamma sakkussanik ineriartortitsinissamut inersimasut meeqqanik inuusuttunillu sullissisut meeqqat inuusuttullu atornerlunneqarsimasut ilisarnaataannik takunnigasuartalersinnaanissaat pillugu aamma iliuuseqarasuartsinnaanissaat pillugu kinguaassiutitigut atornerluisoqarsimanera paasineqarpat?**

**- Matumani immikkut eqqarsaatigaakka atuarfinni meeqquerivinnilu inersimasut aamma inersimasut meeqqanik inuusuttunillu sullissisut timersoqatigiiffinni aamma klubbini.**

Apeqqutip 1-ip aamma 2-p akissutaanut innersuussisoqarpoq.

**8. Kinguaassiutitigut atornerlunneqarsimasunut nutaanik allaanerusunilluunniit katsorsaariaaseqalernissaq pilersaarutaava?**

**- Tassunga atatillugu immikkut meeqqanut aamma inuusuttunut?**

Apeqqutip 1-ip aamma 2-p akissutaanut innersuussisoqarpoq.

**9. Naalackersuisut pilersaarutiginerlugu sullissinermut piffissamik atornegartartumik sivikillisaanissaminnut aamma kinguaassiutitigut kanngutsaattuliorfigineqarsimasut ikiorneqarnissaminnut utaqqisutut allatsissimasut eqqarsaatigalugit?**

**-Tassunga atatillugu immikkut meeqqanut aamma inuusuttunut?**

Meeqqat tapersersorneqarnissaannut inatsimmik maanna atuuttumik imaluunniit nalunaaruteqartoqarneratigut kommuniq iliuuseqartussaananeranut toqqammavissatut aalajangersakkanik allannguinnissamut Naalackersuisut maannakkorpiq pilersaaruteqanngillat.

Naalackersuisulli ukkatariuarnerpaat kommunit suliassaqarfimmik tassannga suliaqarneranni qanoq pitsaanerpaamik ikorfartorneqarsinnaanersut, oqartussat sunniuteqarluartumik tigussaasumillu suleqatigiinnissaat qanoq qulakkeerneqarsinnaanersoq kiisalu suliassaqarfimmut tunngatillugu inatsisip atuuttup malinneqarnissaata ukkatarineqarnissaa.

Meeqqat tapersersorneqarnissaannut inatsimmik ilisimasaqarlualernissaq qulakkeerniarlugu Isumaginninnermut Aqutsisoqarfik najukkani pikkorissaaleruttorpoq.

Inussiarnersumik inuulluaqqusillunga  
Med venlig hilsen



Anthon Frederiksen